

PLEAN FORBARTHA CHONTAE LÚ 2021-2027

Ó Méith

12. Ó MÉITH

12.1 Comhthéacs/Carachtar

Is sráidbhaile tuaithe cois farraige é Ó Méith suite 6km ó thuaidh de Chairlinn, 10km ó dheas den lúir agus 3km ón teorainn le Tuaisceart Éireann. Tá sé suite ar leithinis an Chuaille, ar bhruach dheas Loch Cairlinn. Tá an lonnaíocht timpeallaithe le tírdhreacha drámatúla le cósta an Loch Cairlinn agus le radhairc fhairsinge ar na Beanna Boirche ar a thaobh thoir agus Sléibhte an Chuaille agus Sliabh Féa ar a thaobh thiar. Tá an sráidbhaile suite laistigh de cheantar ainmnithe mar Cheantar ar Ardchaighdeán Scéimhe (CAS).

Is lonnaíocht fhada líneach é Ó Méith, a d'fhorbair go príomha ar bhóthar

réigiúnach an Ghrianfoirt-an Lúir (R173). Tá an sráidbhaile ina dhá chuid: 'lárionad tráchtála' ag aomhal an R178/ Bóthar an Stáisiúin agus 'lárionad cathartha' i dtreo cheann deisceartach an tsráidbhaile. Tá roinnt foirgneamh atá ina séadchomharthaí suite laistigh den lonnaíocht, rud a chabhraíonn le carachtar an tsráidbhaile a shainmhíniú; ina measc tá teach tábhairne Howe, Teach Bhaile Átha Cliath, Teach an Radhairc Álainn agus Teach Geata Nucella.

Tábla 12.1: Léargas Ginearálta ar an Lonnaíocht

Léargas Ginearálta ar an Lonnaíocht – Ó Méith	
A Áit in Ordlathas na Lonnaíochta	Sráidbhaile
An Daonra i 2016	603
An Daonra i 2011	503
Athrú Céatadáin 2011-2016	19.9%
Stoc Foirgneamh 2016	339
Aonaid Chónaithe ceadaithe ó 2015	Gan aon ghníomhaíocht forbartha le tamall anuas
Saoráidí Oideachais	Scoil Naomh Lorcan (sráidbhaile) agus Scoil Naomh Bríd (Ardachadh)
Saoráidí Pobail	Lárionad na Croimleice, páirc aeraíochta Ó Méith, stáisiún na nGardaí, Gaeil Chúchulainn
Ceantair Caomhnaithe Ailtireachta (CCA)	Gan aon cheann ann
Struchtúir faoi Chosaint	12
Crios de Sheandálaíocht Féideartha (ZAP)	Níl
Radhairc agus Radhairc Áille	Níl
In Aice le Suíomh Eorpach	Bruach Loch Cairlinn SAC

Léargas Ginearálta ar an Lonnaíocht – Ó Méith	
Measúnú Straitéiseach ar Bhaol Tuiltí	Tá criosanna Tuilte A agus B suite ar thalamh atá suite feadh Abhann Réileán agus ar thailte cois cósta. An riosca i gcás tuilte agus forbairt a bhainistiú de réir na gCuspóirí Beartais mar a leagtar amach iad in Iml. 1 Caibidil 10: Bonneagar agus Fónais Phoiblí.
Bonneagar/Toilleadh Seirbhísí Uisce	Tá Ó Méith suite laistigh de Chrios Acmhainn Uisce de chuid Chnoc an Chabháin agus Chontae Lú Thuaidh, áit a bhfuil toilleadh ann agus é seo á scríobh. Níl toilleadh ar bith i gCóras Cóireála Fuíolluisce Ó Méith agus é seo á scríobh. Sa bhliain 2019, tugadh cead le haghaidh ionad cóireála fuíolluisce nua, agus tógáil le tosú sa cheathrú ráithe de 2020, ag braith ar mhaoiniú.

12.2 Deiseanna

- Leas a bhaint as suíomh straitéiseach Ó Méith ar Ghlasbhealach Mór an Oirthir.
- Mol dinimiciúil agus solúbtha a chruthú sa sráidbhaile.
- Sainmhíniú as an nua a dhéanamh ar chroílár an tsráidbhaile. Breithneofar é seo i dtaca leis an tosaíocht a thugtar do choisithe agus do rothaithe a mhéadú agus naisc le Glasbhealach Mór an Oirthir, laghdú ar cheannas an R173, agus feabhsúcháin a dhéanamh sa réimse poiblí.

12.3 Lonnaíocht agus Tithíocht

I é an aidhm atá ag an Straitéis úsáide talún d'Ó Méith ná a shuíomh sléibhtiúil cois cósta a chosaint trí forbairt a chomhdhlúthú laistigh den lorg atá ann cheana.

Ag deireadh na 1990idí agus go luath sna 2000idí bhí an-tóir ar forbairt chónaithe in Ó Méith, am ar tharla forbairt laistiar de lár an tsráidbhaile i dtreo na sléibhte.

Le blianta beaga anuas, tá srian curtha ar forbairt laistigh den lonnaíocht de dheasca fadhbanna toillte ag an gCóras Cóireála Fuíolluisce Ó Méith.

Ba léir ó dhaonáireamh 2016 go raibh 13.9% d'áitribh chónaithe folamh ar oíche an daonáirimh.

Ba é seo an dara ráta folúntais b'airde d'aon lonnaíocht sa Chontae agus is comhartha é de líon na n-áiteanna cónaithe tánaisteacha/ na dtithe saoire atá lonnaithe sa sráidbhaile agus cé chomh tarraingteach is atá Ó Méith mar áit saoire.

12.4 Geilleagar agus Fostaíocht

Aithnítear Ó Méith mar lárionad miondíola ar Leibhéal 4 in Ordthas Tráchtála an Chontae. Tá aonaid tráchtála, mhiondíola, agus seirbhísí tráchtála suite go príomha i lár an tsráidbhaile agus ina measc tá stáisiúin pheitрил, ollmhargadh, siopa poitigéara, oifig an phoist, gruagairí, óstáin, teach tábhairne agus bialanna.

Is é an cóimheas poist: lucht oibre in Ó Méith ná 0.38, rud a léiríonn bunús lag fostaíochta agus a chuireann iachall ar fhorhóir na gcónaitheoirí taisteal lasmuigh den lonnaíocht i gcomhair fostaíochta.

Tá cáil ar Ó Méith le fada mar lárionad turasóireachta go háirithe do dhaoine ar thurais lae agus laethanta saoire carbhán.

Tá sé suite go straitéiseach ar Ghlasbhealach Mór an Oirthir.

Is áis thábhachtach é an Glasbhealach i bhforbairt an tsráidbhaile mar áit saoire.

Tá deis ann an nascacht idir an nGlasbhealach agus lár an sráidbhaile a fheabhsú trí tírdhreachú agus feabhsúcháin sa réimse poiblí.

Meastar go bhfuil ceantar na cé sa sráidbhaile mar áit oiriúnach do chorrthrádáil agus imeachtaí sóisialta agus pobail, agus d'fhéadfaí níos mó cuairteoirí a mhealladh dá bharr seo.

An líon teoranta de dheiseanna fostaíochta atá ann, tá siad le fáil sna hearnálacha scoile, tráchtála agus fáilteachais.

Glactar leis go bhfuil slite beatha áirithe ann atá níos oiriúnaí i dtaca le fostaithe a bheith ag obair ó chian. Thabharfadh saoráidí comhoibrithe agus mol digiteach ag Teach Bhaile Átha Cliath solúbthacht do ghnólachtaí, laghdódh sé astaíochtaí carbóin agus d'fheabhsódh sé caighdeán na beatha trí laghdú ar an ngá le turas chun na hoibre a dhéanamh. D'fhéadfadh soláthair saoráide mar seo a thuilleadh infheistíochta eacnamaíocha a spreagadh.

12.5 Bonneagar Seirbhísí Uisce

Is é an bonneagar seirbhísí uisce seo a leanas a dhéanann freastal ar Ó Méith:

Uisce: Tá Ó Méith suite laistigh de Chrios Acmhainne Uisce de chuid Chnoc an Chabháin agus Tuaisceart Lú, áit a bhfuil toilleadh agus é seo á scríobh.

Fuíolluisce: Níl toilleadh ar bith sa Chóras Cóireála Fuíolluisce Ó Méith agus é seo á scríobh. Sa bhliain 2019, tugadh cead i gcomhair ionad cóireála fuíolluisce nua, agus tógáil le tosú sa cheathrú ráithe de 2020, ag braith ar mhaoiniú.

12.6 Gluaiseacht

Tá Ó Méith suite ar an R173, suíomh a nascann an sráidbhaile leis an lúr, Cairlinn, agus Dún Dealgan. Baineann an sráidbhaile leas as seirbhís bhus poiblí go Dún Dealgan agus an lúr, a ritheann 4 huaire sa lá.

Cuirfear le seo trí líon teoranta de sheirbhísí breise soláthraithe ag oibreoirí príobháideacha. Bheadh sé chun leasa an tsráidbhaile bonneagar bus feabhsaithe bheith ann lena n-áirítear scáthlán agus áit suí.

Tá forlámhas ag an mbóthar réigiúnach agus é ag dul trí chroílár na lonnaíochta líní agus bíonn coimhlínt idir feithiclí bóthair agus coisithe dá bharr.

D'fhonn sláinte shóisialta agus eacnamaíoch a chur chun cinn tá gá le forlámhas an bhóthair réigiúnaigh a laghdú agus tosaíocht níos mó a thabhairt do choisithe agus do rothaithe.

Tá Ó Méith suite go straitéiseach ar Ghlasbhealach Mór an Oirthir, agus as céimeanna níos deireanaí den togra seo tiocfaidh nasc do choisithe agus do rothaithe le lár an Chairlinn, an teorainn agus faoi dheireadh le Loch Victoria i dTuaisceart na hÉireann.

Beidh nasc níos fearr ann le saoráidí pobail amhail na páirceanna imeartha agus laghdú an spleáchas ar an gcarr príobháideach a bhui le soláthar cosáin sa bhreis agus soilsiú ar fud an tsráidbhaile. Taobh ó dheas den sráidbhaile, sruthaíonn an Abhainn Réileán isteach i Loch Cairlinn. Tá slí isteach ar Ghlasbhealach Mór an Oirthir ag an bpointe seo freisin.

Éascóidh stráice bruachánach 10m ar fhad ar an dá bhruach an abhainn a fhorbairt mar áis áineasa amach anseo.

Tá an fhéidearthacht ann naisc leis an abhainn a fhorbairt trí leas a bhaint as tailte neamhfhorbartha atá ann cheana. Glactar leis go bhfuil oibreacha athnuachana chuimsitheacha de dhíth in Ó Méith, lena n-áirítear uasghrádú a dhéanamh ar an mbóthar agus na cosáin a théann trí lár an tsráidbhaile chomh maith le bearta moillithe tráchtá a chur isteach. Ní fhéadfaí na hoibreacha seo a dhéanamh gan oibreacha camrais a bheith curtha isteach roimh ré, rud a d'fhéadfaí tarlú feadh an bhealaigh seo.

12.7 Oidhreacht Nadúrtha agus Thógtha

Tá oidhreacht nadúrtha líne chladaigh an Ó Méith agus Sléibhte an Chuaille cosanta faoi reachtaíocht náisiúnta agus Eorpach. Tá cladach an Ó Méith suite laistigh de Limistéar faoi Chaomhnú Speisialta (SfCS). Tá an sráidbhaile féin suite i gCeantar ar Ardchaigheán Scéimhe (CAS).

Tá 12 Struchtúir faoi Chosaint laistigh de theorainneacha an tsráidbhaile mar a leagtar amach i dTábla 12.2 agus tá suíomhanna na struchtúir seo léirithe ar an Leárscáil Ilchodach d'Ó Méith. Tá líonra de chlampa crann agus fáлта sceach in Ó Méith a aithnítear go bhfuil luach taitneamhachta faoi leith acu, agus tá a suíomhanna marcáilte ar an Leárscáil Ilchodach den sráidbhaile.

Tábla 12.2: Struchtúir faoi Chosaint in Ó Méith

Uimhir Aitheantais	Ainm
LHS 002-001	(Iar-) Séipéal Naomh Aindriú 1838
LHS 002-004	(Iar-) Scoil Náisiúnta Naomh Aindriú c.1840
LHS 002-005	Páirc Omra Droim Mullaigh c.1800
LHS 005-001	Iar-theach garda cósta c.1800
LHS 005-002	Iar-theach garda cósta c.1800
LHS 005-003	Iar-theach garda cósta c.1800
LHS 005-004	Iar-theach garda cósta c.1800
LHS 005-066	Teach Radharc an Chuain c.1800
LHS 005-067	Teach an Radhairc Áille c.1740
LHS 005-068	Teach Geata Nucella c.1840
LHS 005-069	Villa Oberon c.1880
LHS 005-072	Halla Forrester

12.8 Bonneagar Sóisialta

Tá réimse seirbhísí in Ó Méith, lena n-áirítear *inter alia*: siopaí, tithe tábhairne, bialanna agus caiféanna, Ionaid Mearbhia, óstán, stáisiún peitрил mar aon le séipéal, bunscoileanna, ionad pobail, páirc carbhán, clós súgartha agus páirceanna imeartha, naíolann, oifig an phoist agus comhar creidmheasa. Tá páirceanna imeartha ann, agus iad ina fhód dúchais do Chlub Cumann Lúthchleas Gael darb ainm Na Gaeil Chúchulainn, atá suite ar an dtaobh ó dheas den sráidbhaile.

12.9

12.10 Dearadh Uirbeach agus an Réimse Poiblí

Is córas mhaoinithe é an Scéim Athnuachana Bailte agus Sráidbhailte a dearadh chun beocht nua a chur i mbailte faoin tuath agus i sráidbhailte ar fud na hÉireann. I measc na dtionscnamh atá incháilithe don scéim seo tá feabhsúcháin chomhshaoil agus tionscnaimh sa réimse poiblí, amhail uasghrádaithe ar spásanna cathartha, agus infheistiú i dtrosán sráide, i gcosáin, agus i rotharbhealaí. Tacóidh an Plean seo le haon iarratas maoinithe faoin scéim seo nó scéimeanna cosúil léi chuirfeadh feabhas ar an réimse poiblí, an timpeallacht thógtha, agus an cáilíocht timpeallachta in Ó Méith.

D'aithin Ráiteas Dearaidh maidir le Sráidbhaile Ó Méith 2013 roinnt áiteanna a bhainfeadh leas as feabhsúcháin sa réimse poiblí. Cuimsíonn sé seo oibreacha ar R173/acomhal Bhóthar an Stáisiúin, ar an gCé, Bhóthair an Chladaigh agus ar an gceantar timpeall Theach Bhaile Átha Cliath. Bainfidh cónaitheoirí agus cuairteoirí tairbhe as na hoibreacha seo trí

athnuachan a chur chun cinn, an timpeallacht agus cuma an tsráidbhaile a fheabhsú chomh maith le trácht a mhoilliú. Lena chois sin, táthar ag súil go spreagfadh nasc níos mó idir an nglasbhealach agus an sráidbhaile a thuilleadh daoine chun stopadh ann cuairt a thabhairt air le féachaint thart, rud a thabharfaidh buntáistí sóisialta agus eacnamaíocha chuig Ó Méith.

12.11 Cuspóirí Beartais

Tá na Cuspóirí Beartais leagtha amach thíos mar bhreis ar iadsan atá sa Ráiteas Scríofa de Imleabhar 1 de Phlean Forbartha an Chontae. D'fhonn athrú a sheachaint ní dhearfad na Cuspóirí Beartais arís ach amháin nuair atá baint faoi leith acu leis an lonnaíocht.

Ba cheart iad seo a léamh in éineacht leis na Cuspóirí Beartais mar sin agus Caighdeán Forbartha is Treoir atá leagtha amach in Imleabhar 1 de Phlean Forbartha an Chontae.

12.11.1 Lonnaíocht agus Tithíocht

Cuspóir Beartais

OTH 1	Tacú le ról Ó Méith trí fhorbairt a éascú a chuirfidh le carachtar an tsráidbhaile, agus a chuirfidh feabhas agus a bheidh ag teacht le cáilíocht thimpeallacht thógtha agus nádúrtha an tsráidbhaile.
--------------	--

Cuspóir Beartais

OTH 2	Cur i bhfeidhm chroístraitéis Phlean Forbartha an Chontae a dhaingniú, chomh fada agus atá sé seo indéanta, trína chinntiú nach sárófar an leithdháileadh tithíochta i gcomhair Ó Méith.
--------------	--

Cuspóir Beartais

OTH 3	Tacú le agus spreagadh a thabhairt d'fhorbairt chónaithe ar thailte tearcúsáidte agus/nó ar thailte folmha lena n-áirítear láithreacha 'inlíonta' agus 'athfhorbraíochta', ar an gcoinníoll go mbeidh an dearadh agus an leagan amach ar ardchaighdeán.
--------------	---

12.11.2 Geilleagar agus Fostaíocht

Cuspóir Beartais

OTH 4 Tacú le forbairt turasóireachta inbhuanaithe agus í a chur chun cinn in Ó Méith.

Cuspóir Beartais

OTH 5 Obair i gcomhair leis na húdaráis atá taobh le Ó Méith lena n-áirítear an tIúir, Na Beanna Boirche agus Comhairle Ceantar an Dúin chun síntí a chur le bealaí spaisteoireachta agus rothaíochta agus cinn nua a dhearadh, leithéid Ghlasbhealach Mór an Oirthir agus a chinntiú go mbeidh breithmheas ar thionchair chomhshaoil mar chuid de gach togra agus go gcuirfear go hiomlán san áireamh an fhéidearacht maidir le drochthionchair ar Láithreacha Eorpacha trí phróiseas na Treorach maidir le Scagadh a dhéanamh ar Mheasúnú Gnáthóga.

Cuspóir Beartais

OTH 6 Cur le soláthar áiseanna comhoibrithe agus mol digiteach ag Teach Bhaile Átha Cliath.

Cuspóir Beartais

OTH 7 Tacú le himeachtaí agus féilte chomh le hiad a chur chun cinn.

Cuspóir Beartais

OTH 8 Spreagadh a thabhairt maidir le foirgnimh fholmha sa lonnaitheacht a chur in úsáid arís i slí a chuireann le scála agus carachtar an tsráidbhaile mar atá.

12.11.3 Bonneagar

Cuspóir Beartais

OTH 9 Bheith i gcomhairle le hUisce Éireann agus tacú leo a ndícheall a dhéanamh chun seirbhísí uisce sásúla a sholáthar le freastal ar riachtanais fhorbartha Ó Méith laistigh de thréimhse an Phlean.

Cuspóir Beartais

OTH 10 Tacú leis na saoráidí poiblí, pobail agus spóirt atá ann cheana agus le haon cheann sa bhreis a sholáthar.

Cuspóir Beartais

OTH 11 Tacú le cur chun cinn agus seachadadh tograí pobail agus sóisialta.

Cuspóir Beartais

OTH 12 A chinntiú go seachnófar úsáidí talún nó forbairt atá aitheanta mar ‘fhorbairt fhíor-leochaileach’ i dTábla 3.1 de ‘An Corás Pleanála agus Treoirínte maidir le Bainistiú Riosca i gCás Tuilte (2009)’ ar thailte atá i mbaol tuilte agus nuair nach bhféidir forbairt ar thuilemhánna a sheachaint, go dtógfar cur chuige seicheamhach maidir le bainistiú riosca i gcás tuilte bunaithe ar sheachaint, laghdú agus dul in oiriúint do riosca.

12.11.4 Gluaiseacht

Cuspóir Beartais

OTH 13	Bealaí spaisteoireachta agus rothaíochta a chur chun cinn agus éascú leo ag suíomhanna oiriúnacha ar fud Ó Méith, lena n-áirítear lámh leis an abhann.
---------------	--

Cuspóir Beartais

OTH 14	Ó thaobh sláine agus radharc álainn de, caomhnú a dhéanamh ar na siúlbealaí agus rotharbhealaí atá ann cheana agus a bheidh ann amach anseo chomh maith lena suíomhanna.
---------------	--

Cuspóir Beartais

OTH 15	A chinntiú nach dtarlóidh aon fhorbairt lena n-áirítear réiteach nó stóráil ábhar laistigh d'íosfhad de 10m tomhaiste ó gach bruach d'aon abhainn, sruthán nó sruthchúrsa.
---------------	--

Cuspóir Beartais

OTH 16	Forbairt agus feabhsú cosán, trasrianta coisithe agus bearta moillithe tráchta a chur chun cinn agus a éascú, nuair a thugann siad tosaíocht níos mó do choisithe agus nuair a fheabhsaíonn siad sábháilteacht ar bhóithre.
---------------	---

Cuspóir Beartais

OTH 17	Cabhrú le soláthraithe seirbhíse bonneagar bus sa bhreis a chur ar fáil sa sráidbhaile.
---------------	---

12.11.5 Oidhreacht Nadúrtha agus Thógtha

Cuspóir Beartais

OTH 18	Saintréithe uathúla agus suíomh Ó Méith a chosaint agus a fheabhsú, lena n-áirítear a ghnéithe seandálaíochta agus eilimintí dá oidhreacht thógtha agus nadúrtha.
---------------	---

Cuspóir Beartais

OTH 19	Cosaint a thabhairt don Cheantar ar Ardchaighdeán Scéimhe (AHSQ) i suíomh tírdhreacha Ó Méith.
---------------	--

Cuspóir Beartais

OTH 20	Caomhnú crainn shuntasacha agus fáлта sceach a chur chun cinn lena n-áirítear iadsan aitheanta ar an Leárscáil Ilchodach agus chun na crainn seo a bhainistiú de réir sárchleachtais crannadóireachta.
---------------	--

12.11.6 Dearadh Uirbeach agus Réimse Poiblí

Cuspóir Beartais

OTH 21	Úsáid an mhaoinithe atá ar fáil a chur chun cinn agus tacú leis agus cur i bhfeidhm aon tionscadal nó scéimeanna a bhfuarthas maoiniú dóibh agus a d'fhéadfadh Ó Méith a fheabhsú agus a athnuachan.
---------------	--

Bailte Beaga agus Sráidbhailte
Ó Méith

Cuspóir Beartais

OTH 22	A chinntiú go bhfeabhsóidh aon fhorbairt nua carachtar agus sráid-dreach an tsráidbhaile.
---------------	---

Cuspóir Beartais


OTH 23	Bheith ag iarraidh forálacha Ráiteas Dearaidh Shráidbhaile Ó Méith a chur i bhfeidhm.
---------------	---

Cuspóir Beartais

OTH 24	Bheith ag iarraidh na sráideanna agus spásanna laistigh d'Ó Méith a fheabhsú trí fheabhsúcháin a dhéanamh sa réimse poiblí i n-áiteanna lena n-áirítear an R173/acomhal Bhóthar an Stáisiúin, an Ché, Bóthar an Chladaigh agus timpeall Theach Bhaile Átha Cliath.
---------------	--

Cuspóir Beartais

OTH 24	Tabhairt faoi oibreacha athchóirithe cuimsitheacha lena n-áirítear uasghrádú a dhéanamh ar na cosáin agus na bóithre a théann trí lár an tsráidbhaile agus bearta moillithe tráchta a chur isteach tar éis do bhonneagar camrais bheith soláthraithe, Ráiteas Dearaidh don Sráidbhaile agus maoiniú a bheith ar fáil.
---------------	---



*** PFRAM DISCLAIMER:**
 The PFRAM maps provide only an indication of areas that may be prone to flooding. They are not necessarily locally accurate and should not be used as the sole basis for defining Flood Zones, or for making decisions on planning applications. See section 10.3.1 'Flood Risk Management' in Chapter 10 and the SFRA in Volume 5 for further details



LEGEND

- Land Use Category**
- A1 Existing Residential
 - A2 New Residential Phase 1
 - B1 Town or Village Centre
 - E1 General Employment
 - G1 Community Facilities
 - H1 Open Space
 - I1 Tourism and Leisure
 - L1 Strategic Reserve

- OPW PFRAM Study**
 See Disclaimer
- Flood Zone A
 - Flood Zone B
 - Pluvial Flooding

- Settlement Boundary**
-

Osi Vector Mapping



Comhairle Contae Lú
 Louth County Council
 www.louthcoco.ie

An Roinn um Pleanáil
 Planning Department
 e-mail: info@louthcoco.ie


SCALE: Not to scale DATE: September 2021

Contains Irish Public Sector Information
 Provided by the Office of Public Works
 Licensed under a Creative Commons Attribution
 4.0 International (CC BY 4.0) Licence
 Source <http://floodinfo.ie>

Contains Ordnance Survey Ireland Mapping.
 (C) Ordnance Survey Ireland. All rights reserved.
 License Number 2021/30/CCMA/LouthCountyCouncil.



Flood Zones for Omeath are not indicated on this map. They can be viewed on the Omeath Zoning and Flood Zone map



LEGEND

Land Use Category

- A1 Existing Residential
- A2 New Residential Phase 1
- B1 Town or Village Centre
- E1 General Employment
- G1 Community Facilities
- H1 Open Space
- I1 Tourism and Leisure
- L1 Strategic Reserve

- Settlement Boundary
- Special Area of Conservation (NPWS)
- Proposed Natural Heritage Area (NPWS)
- Potential for Green Infrastructure Enhancement (see Appendix 8)
- Significant Trees & Hedgerows
- Stone Walls & Louth Banks
- Riparian Buffer Zone
- Sites & Monuments (NMS)
- Record of Protected Structures
- Osi Vector Mapping